

thaginense, Tertullianum, & Sanctum Epiphanium mulieres excludere a solemni Baptismi administratione; nam eadem ratione excluditur mulier a munere baptizandi, ac excluditur a manere docendi; munus autem docendi est publicum, non privatum. Ad IV. tandem: magnum discrimen intercedit inter Sacramentum Baptismi, & Pœnitentiæ; lapsus enim in actuale peccatum supplere potest actus contritionis; at oueris quod aliud, præter Baptismum, remedium, est ut ab priginali culpa solvantur?

## C A P U T Q U I N T U M.

*De Baptismo sanguinis, seu de Martyrio, & de Baptismo flaminis, seu de voto suscipiendi aquæ Baptismum.*

¶ I. **M** Egario risu excipiunt nonnulli Theologorum doctrinam, qua distinguunt triplicem Baptismum sanguinis, qui scilicet habetur per aquam, sanguinis, qui per Martyrium recipitur, & flaminis, qui habetur per contritionem cordis, & votum suscipiendi Baptismum aquæ. Sed isti risu prosequuntur quæ ignorant; nam de hoc triplici Baptismo, Ecclesiæ Patres diserte loquuntur; in primis vero S. Gregorius Nazianzenus or. 391. in sancta lumina. Ambrosius in Psalmum 118. S. Augustinus lib. IV. de Baptismo, & alii plures, quos brevitatis gratia prætermittimus. Fides autem Ecclesiæ hæc est; Martyrium supplere virtutem Baptismi tum in infantibus, tum in adultis: idque ex merito, & virtute passionis Christi; baptismum vero flaminis, hoc est Baptismi aquæ votum cum perfecta charitate in fine vita adultos justificare.

¶ II. At vero contra hanc fidem Catholicæ Ecclesiæ plures etiam inter se oppositi insurrexerunt errores. *Gnosti*ci, & *Valentiniani* nullum esse martyrii meritum, nullam virtutem, nullam laudem asserebant; quin imo, nec æternam salutem vi martyrii consequi posse affirmabant, qui Christo, & Ecclesiæ per Baptismi lavacrum renati non fuissent. Ex junioribus hæreticis *Kemnitius* in 2. p. *Cose.* *Trid.*